



PLAN DE APOIO ÁS TITULACIÓNS CON PRÁCTICUMS QUE ATOPAN DIFICULTADES PARA REALIZAR AS PRÁCTICAS PREPROFESIONAIS

CONVOCATORIA DE AXUDAS

Co obxectivo específico de fomentar a adaptación dos perfís de egreso das persoas tituladas ás demandas dos empregadores, complementar a formación do estudiantado fóra das aulas, propiciar as prácticas e mellorar as expectativas no mercado laboral, e en cumprimento das competencias de promoción e impulso das actividades universitarias recollido na normativa que lle é aplicable,

O Consello Social **convoca** axudas ás titulacións da Universidade de Vigo que presenten maiores dificultades para que o seu alumnado acceda ás prácticas preprofesionais, por desenvolverse a súa formación en áreas pouco axeitadas para a formalización de convenios.

Con esta iniciativa, o Consello Social tenta promover fóra das aulas actividades de orientación laboral e inserción na vida práctica profesional, así como achegar información e asesoramento ao alumnado sobre as posibilidades de emprego nos distintos sectores da produción, a industria, as administracións, os servizos, etc..., mediante a realización de talleres, seminarios, prácticums, visitas, relatorios, mesas redondas ou conferencias, con profesionais relevantes no ámbito do que se trate.



BASES DA CONVOCATORIA

1. REQUISITOS

- Poderán acceder ás axudas as **titulacións de grao** que contemplan prácticas no seu plan de estudos e que se atopen con dificultades para a súa realización.
- As actividades desenvolveranse ao longo do exercicio 2023.

2. PRESENTACIÓN DE SOLICITUDES E DOCUMENTACIÓN

A persoa responsable do centro deberá presentar a solicitude a través do rexistro electrónico, dirixida á Secretaría do Consello Social da Universidade de Vigo, mediante o impreso que se achega.

Achegarase a seguinte documentación:

- Programa de Prácticum previsto
- Calendario de realización das actividades
- Breve descrición de obxectivos e contidos, expondo e xustificando razoadamente as circunstancias excepcionais e as dificultades da titulación para o acceso ás prácticas
- Proposta inicial de orzamento.

O prazo de presentación de solicitudes finaliza o 20 de xaneiro de 2023.

3. SELECCIÓN E RESOLUCIÓN

As solicitudes serán avaliadas de xeito ponderado pola Comisión de Actividades e Servizos do Consello Social.

No proceso de avaliación primarán as prácticas externas colectivas sobre as conferencias, tendo a mesma consideración ben sexan convocatorias presenciais ou telemáticas. Tamén se valorará o número de alumnado que intervéñen ou é beneficiario. Así mesmo veranse favorecidas as solicitudes que teñan un maior grao de execución da axuda que lle fose concedida na edición anterior.

4. DOTACIÓN, CONTÍA E PAGAMENTO

Os fondos destinados a esta axuda irán con cargo ao orzamento do Consello Social e o importe máximo do crédito orzado ascenderá a 30.000 €.

O importe máximo da axuda a cada programa aprobado será de 5.000 euros, e a contía final adxudicada será determinada pola Comisión de Actividades e Servizos en bases aos criterios expostos.

Do importe da axuda asignada a cada titulación poderase percibir, unha vez aprobada a concesión, ata un 60% do total con cargo aos gastos que acredite. O 40% restante quedará suxeito á presentación dunha Memoria final que se deberá entregar concluída a actividade, e na que se xustificará o desenvolvemento e cumprimento do programa.



ANEXO I: IMPRESO DE SOLICITUDE

Convocadas polo Consello Social da Universidade de Vigo axudas ás Titulacións para o fomento de actuacións de orientación, información e prácticas que permitan un maior achegamento do estudantado ás demandas do mercado laboral, como responsable da titulación, solicito a inclusión na convocatoria.

CENTRO E CAMPUS		TITULACIÓN (só titulacións de Grao)	
1º APELIDO	2º APELIDO	NOME	
CORREO ELECTRÓNICO	TELÉFONO (Fixo)	TELÉFONO (móbil)	
¿A titulación ten organizado Programas de Prácticas para o alumnado dos últimos cursos en anos precedentes?			
En caso afirmativo, indique os resultados principais			
ANO	Nº de Entidades / Organizacións colaboradoras	Nº de prácticas ofertadas	Nº de alumnos participantes

Achégase Programa proposto e calendario de execución.

, de do

Sinatura